

Diwygiedig Cynllun 2018-2033 Datblygu Lleol

Adnewo Ionawr 2020

Proffion Cadernid:
Hunanasesiad

Rhagarweiniad

Mae'r Cyngor wrthi'n paratoi Cynllun Datblygu Lleol Diwygiedig (CDLI) ar gyfer Sir Gaerfyrddin (ac eithrio'r adran honno a gynhwysir o fewn Parc Cenedlaethol Bannau Brycheiniog). Bydd y Cynllun yn nodi polisiau cynllunio a dyraniad safleoedd ar gyfer gwahanol fathau o ddatblygiadau. Ar ôl iddo gael ei fabwysiadu, bydd y Cyngor yn defnyddio'r Cynllun ar gyfer asesu ceisiadau cynllunio tan 2033. Bydd y Cyngor yn parhau i fonitro ac adolygu cynnwys y Cynllun er mwyn sicrhau ei fod yn parhau'n addas a'i fod yn gweithio yn ôl y disgwyl. Bydd y Cynllun yn llywio ac yn rheoli gwaith datblygu gan osod y sylfaen ar gyfer gwneud penderfyniadau cyson a chlr.

Mae'r papur hwn yn cyflwyno'r hunan-asesiad o ran sut a pham mae'r Cyngor yn ystyried bod y Cynllun wedi bodloni'r Profion Cadernid a bennir gan Lywodraeth Cymru. Mae'r ddogfen hon yn ailwrio bod y Cynllun yn cydymffurfio â'r gofynion paratoi a'i fod yn bodloni'r 3 phrawf cadernid (fel y'u nodir isod).

Profion Cadernid

Mae'r gofyniad hanfodol i Gynllun Datblygu Lleol (CDLI) fod yn 'gadarn' wedi'i nodi yn Neddff Cynllunio a Phrynu Gorfodol 2004 ac mewn Polisiau Cynllunio cenedlaethol. Fel rhan o'r broses o sefydlu cadernid, mae'n ofynnol i'r Cyngor gynnal hunan-asesiad o gadernid ei CDLI ei hun.

Asesir cadernid y CDLI mewn archwiliad annibynnol cyhoeddus gan Arolygydd Cynllunio a benodir gan Lywodraeth Cymru. Bydd yr archwiliad yn asesu a yw gofynion paratoi'r Cynllun wedi'u dilyn a bydd yn pennu a yw'n 'gadarn' - hynny yw ei fod yn cydymffurfio â phob un o'r 3 phrawf cadernid fel y'u nodir isod.

Mae'r Llawlyfr CDLI Argraffiad 2 (2015) yn nodi cyfres o gwestiynau i gynorthwyo wrth nodi'r materion hynny a all fod yn berthnasol ar gyfer pob prawf cadernid.¹

Gofynion Paratoi:

- A yw'r gwaith paratoi wedi cydymffurfio â gofynion trefniadol cyfreithiol a rheoleiddiol?
(Rheoliadau CDLI, y Cynllun Cynnwys Cymunedau, Rheoliadau Asesiad Amgylcheddol Strategol, Arfarniad Cynaliadwyedd, Asesiad Rheoliadau Cynefinoedd ac ati?)

¹Mae angen cadarnhau'n derfynol y Llawlyfr Cynlluniau Datblygu (Argraffiad 3) ar ôl iddo gael ei gyhoeddi at ddibenion ymgynghori yn ystod haf 2019.

Profion Cadernid:

Prawf 1: A yw'r cynllun yn ffitio? (h.y. a yw'n glir bod y CDLI yn gyson â chynlluniau eraill?)

Cwestiynau

- A yw'n ystyried polisi cenedlaethol a Chynllun Gofodol Cymru (WSP)?
- A yw'n ystyried Nodau Llesiant?
- A yw'n ystyried Cynllun Morol Cenedlaethol Cymru?
- A yw'n gyson â chynlluniau, strategaethau a rhaglenni cyfleustod rhanbarthol?
- A yw'n cyd-fynd â chynlluniau awdurdodau cyfagos?
- A yw'n adlewyrchu'r Cynllun Integredig Sengl neu'r Cynllun Rheoli Parciau Cenedlaethol?

Prawf 2: A yw'r cynllun yn briodol? (h.y. a yw'r cynllun yn briodol ar gyfer yr ardal o ystyried y dystiolaeth?)

Cwestiynau

- A yw'n benodol i'r ardal leol?
- A yw'n mynd i'r afael â'r materion allweddol?
- A yw'n cael ei ategu gan dystiolaeth gadarn, gymesur a chredadwy?
- A oes modd dangos y rhesymeg y tu ôl i bolisïau'r cynllun?
- A yw'n ceisio diwallu anghenion a asesir a chyfrannu at gyflawni datblygiad cynaliadwy?
- A yw'r weledigaeth a'r strategaeth yn gadarnhaol ac yn ddigon uchelgeisiol?
- A yw'r opsiynau eraill 'go iawn' wedi'u hystyried yn briodol?
- A yw'n rhesymegol, yn rhesymol ac yn gytbwys?
- A yw'n gydgyssylltiedig ac yn gyson?
- A yw'n glir ac a oes ffocws iddo?

Prawf 3: A fydd y cynllun yn gweithio (h.y. a yw'n debygol o fod yn effeithiol?)

Cwestiynau

- A fydd yn effeithiol?
- A oes modd ei weithredu?
- A oes cefnogaeth gan y darparwyr seilwaith perthnasol o ran arian ac o ran cadw at yr amserlenni perthnasol?
- A fydd y datblygiad yn hyfyw?
- A oes modd cyflawni'r safleoedd a ddyrannir?
- A yw'r cynllun yn ddigon hyblyg? A oes darpariaethau wrth gefn priodol?
- A yw'n cael ei fonitro'n effeithiol?

Wrth gynnal yr hunan-asesiad, mae'r tablau canlynol yn defnyddio'r cwestiynau a nodir uchod mewn perthynas â phob prawf. Mae'r templed hwn yn caniatáu iddo ystyried cadernid y Cynllun hyd yn hyn.

Gofynion Paratoi:

- *A yw'r gwaith paratoi wedi cydymffurfio â gofynion trefniadol cyfreithiol a rheoleiddiol?*

(Rheoliadau CDLI, y Cynllun Cynnwys Cymunedau, Rheoliadau Asesiad Amgylcheddol Strategol, Arfarniad Cynaliadwyedd, Asesiad Rheoliadau Cynefinoedd ac ati?).

Ydy. Mae'r Cynllun wedi'i baratoi yn unol â'r gofynion gweithdrefnol. Dylid cyfeirio at gyhoeddi'r Arfarniad Cynaliadwyedd/Asesiad Amgylcheddol Strategol a'r Asesiad Rheoliadau Cynefinoedd.

Caiff hyn ei ystyried ymhellach yn erbyn y Rheoliadau CDLI perthnasol:

Rheoliad 5 - Paratoi Cynllun Cynnwys Cymunedau:

Mae'r Cynllun Cynnwys Cymunedau (CIS) yn nodi sut y mae'r Cyngor yn bwriadu ymgynghori ac ymgysylltu â rhanddeiliaid a phartneriaid mewn modd ystyrlon drwy gydol proses y CDLI. Mae wedi'i gynnwys yn y Cytundeb Cyflawni ac mae'n cynnwys rhestrau o'r grwpiau, y cyrff a'r unigolion hynny yr ymgynghorir â hwy yn ystod y broses o baratoi'r CDLI. Mae'r Cyngor wedi ymgysylltu ac ymgynghori'n eang ar baratoi'r cynllun cynnwys cymunedau (CIS) ac fel rhan o'r gwaith o baratoi'r CDLI. Gellir dod o hyd i ragor o fanylion yn yr Adroddiad Ymgynghori Cychwynnol.

Rheoliad 6 - Cynnwys y Cynllun Cynnwys Cymunedau:

Mae'r Cynllun Cynnwys Cymunedau'n nodi'r canlynol:

- a) Cyrff ymgynghori cyffredinol a phenodol
- b) Egwyddorion y strategaeth gyfranogi ar gyfer paratoi'r Cynllun
- c) Amseru a dull y cyfranogiad yn ystod pob cam ac ymateb y Cyngor
- d) Sut y defnyddir ymatebion wrth ddatblygu cynnwys y CDLI

Rheoliad 7 - Paratoi Amserlen:

Ymgynghorwyd â'r cyrff ymgynghori, y grwpiau a'r unigolion perthnasol fel rhan o'r broses o baratoi amserlen yn y Cytundeb Cyflawni fel y cytunwyd arno gan Lywodraeth Cymru.

Rheoliad 8 - Amserlen:

Mae'r amserlen yn y Cytundeb Cyflawni'n nodi'r amserlen ar gyfer llunio'r Cynllun a'r camau allweddol o'i baratoi. Mae hyn yn cynnwys dyddiadau diffiniol a dangosol ar gyfer paratoi'r Cynllun.

Rheoliad 9 a 10 - Cytundeb Cyflawni:

Mae'r Cytundeb Cyflawni wedi'i gymeradwyo gan Lywodraeth Cymru yn unol â'r Rheoliadau.

Mae'r Cytundeb Cyflawni wedi'i gyhoeddi ac mae modd ei weld yn y lleoliadau a nodir.

Rheoliad 11 - Ffurf a chynnwys y CDLI

Mae'r CDLI Diwygiedig yn glir wrth gynnwys y wybodaeth sydd ei hangen mewn perthynas ag enw'r ardal, ei fod yn CDLI a'r cam sydd wedi'i gyrraedd.

Mae polisïau'r CDLI, y rhai strategol a'r rhai penodol, wedi'u hategu gan destun sy'n ddigon clir ac amlwg.

Rheoliad 12 - Map Cynigion:

Mae'r Map Cynigion wedi'i lunio ar ffurf electronig ar wefan y Cyngor ac mae copi caled hefyd ar gael o'r manau Adneuo perthnasol.

Rheoliad 14 - Cyfranogiad Cyn-adneuo:

Cynhaliwyd cyfnod helaeth o ymgysylltu ac ymgynghori gan gynnwys sesiynau fel rhan o'r gwaith o baratoi'r Strategaeth Cyn-adneuo a Ffeirir. Cynhaliwyd proses ymgynghori ac ymgysylltu ar draws ystod o gyrff ymgynghori yn ogystal â'r Fforwm Rhanddeiliaid Allweddol.

Gellir dod o hyd i ragor o fanylion yn yr Adroddiad Ymgynghori Cychwynnol.

Rheoliad 15 ac 16 - Ymgynghoriad Cyn-adneuo Cyhoeddus:

Cyhoeddwyd y Strategaeth Cyn-adneuo a Ffeirir ar gyfer ymgynghoriad ym mis Rhagfyr 2018. Cafodd yr ymatebion a ddaeth i law fel rhan o'r ymgynghoriad ynghylch y Strategaeth Cyn-adneuo a Ffeirir eu rhannu â'r Cyngor ar 15 Mai 2019 ac maent wedi'u hystyried a'u hymgorffori yn y broses o baratoi'r Cynllun Adneuo, lle bo hynny'n briodol.

Gellir dod o hyd i ragor o fanylion yn yr Adroddiad Ymgynghori Cychwynnol.

Rheoliad 17 - Adneuo Cynigion:

Mae ymgynghoriad y CDLI Adneuo wedi cydymffurfio â'r Rheoliadau o ran cyhoeddi dogfennau a sicrhau eu bod ar gael i'w harchwilio, ac ymgynghori â'r cyrff perthnasol.

Rheoliad 18 - Sylwadau ynghylch y CDLI Adneuo:

Mae'r amrywiaeth o ddulliau o gyfrannu at gynnwys y CDLI Adneuo (gan gynnwys defnyddio'r porth ymgynghori ar-lein) ar gael yn y manau a nodir.

Rheoliad 19 - Ymdrin â sylwadau Adneuo:

Cyn gynted ag sy'n rhesymol arferol, bydd y sylwadau'n cael eu cyhoeddi i'w harchwilio. Bydd y Cyngor yn cyhoeddi ar ei wefan fanylion ynghylch yr holl sylwadau a ddaeth i law, ynghyd â datganiad ynghylch sut y gellir eu harchwilio.

Rheoliadau Asesiad Amgylcheddol Strategol - Arfarniad Cynaliadwyedd Cyfarwydddeb Ewropeaidd 2001/42/EC - Rheoliadau Asesiadau Amgylcheddol o Gynlluniau a Rhaglenni (Cymru) 2004.

Mae'r Cyngor wedi llunio Arfarniad Cynaliadwyedd (AC) gan gynnwys Asesiad Amgylcheddol Strategol (AAS) o'r CDLI Diwygiedig. Mae'r AC/AAS hefyd yn ystyried yr effaith ar iechyd. Mae'r AC/AAS wedi cyflawni rôl gyson yn y broses o lunio cynlluniau. Mae adroddiadau AC/AAS wedi'u llunio yn ystod y Cam Cwmpasu, y Cam Cychwynnol a'r Cam Adneuo. Er y nodir ei bod yn ofynnol ymgynghori â chyrrff ymgynghori penodol, mae'r Cyngor wedi cymryd y cam o gyhoeddi'r adroddiadau AC/AAS ar gyfer ymgynghoriad cyhoeddus.

Asesiad Rheoliadau Cynefinoedd - Cynllunio a Rheoliadau Cadwraeth (Cynefinoedd Naturiol ac ati) 1994:

Cyhoeddwyd Adroddiad Sgrinio Rheoliadau Cynefinoedd at ddibenion cyhoeddi ynghyd â'r ymgynghoriad cyn-adneuo (y Strategaeth a Ffefrir). Mae Adroddiad Asesu Rheoliadau Cynefinoedd hefyd yn cael ei gyhoeddi at ddibenion ymgynghori fel rhan o'r ymgynghoriad ynghylch y CDLI Adneuo.

Asesiad o'r Effaith ar Gydraddoldeb:

Cynhaliwyd Asesiad o'r Effaith ar Gydraddoldeb fel rhan o'r gwaith o baratoi'r Strategaeth Cyn-adneuo a Ffefrir, a'i gyhoeddi i ategu'r ddogfen. Mae'r CDLI Adneuo hefyd wedi bod yn destun Asesiad o'r Effaith ar Gydraddoldeb, sydd ar gael fel rhan o ddogfennau ategol y Cynllun.

Prawf 1: A yw'r cynllun yn ffitio?

(h.y. a yw'n glir bod y CDLI yn gyson â chynlluniau eraill?)

Ydy, cafodd y Strategaeth Cyn-adneuo a Ffefrir ei pharatoi'n bennaf yng nghyd-destun Polisi Cynllunio Cymru Argraffiad 9. Fodd bynnag, mae'r gwaith o baratoi'r CDLI Adneuo a'i bolisiâu a'i gynigion wedi'u paratoi yng nghyd-destun PCC Argraffiad 10 a gyhoeddwyd ym mis Rhagfyr 2018. Mae gan bob un o'r polisiâu strategol dabl Cyd-destun Polisi sy'n croesgyfeirio at adrannau perthnasol o Bolisi Cynllunio Cymru Argraffiad 10.

Paratowyd y CDLI Adneuo gan roi ystyriaeth lawn i'r cynlluniau a'r strategaethau perthnasol, gan gydnabod y bydd angen iddo ymateb a datblygu wrth symud ymlaen drwy ei broses baratoi.

Pan fo'n briodol, nodir y cyd-destun cenedlaethol, rhanbarthol a lleol (gan gynnwys y rheiny mewn ardaloedd cyfagos) (lle bo'n berthnasol) yn Atodiad 2 o'r Cynllun ac yn nhystiolaeth ategol y Cynllun, yr adroddiad Adolygu, y papurau pwnc a'r Adroddiad AC/AAS ac ati.

Mae'r Adolygiad AC/AAS yn adolygu'r cynlluniau a'r polisiâu perthnasol ar lefel ryngwladol/Ewropeaidd, genedlaethol, ranbarthol a lleol er mwyn rhoi ystyriaeth i'r berthynas rhwng y CDLI a pholisiâu, cynlluniau a rhaglenni perthnasol eraill ac amcanion cynaliadwyedd. Mae hyn yn nodi goblygiadau mewn perthynas â'r CDLI.

Adlewyrchir dylanwad yr uchod hefyd wrth nodi materion allweddol ar gyfer Sir Gaerfyrddin. Adlewyrchir y rhain drwy gydol y Cynllun ac maent wedi llywio'r weledigaeth, yr amcanion strategol a'r polisiau strategol.

A yw'n ystyried polisi cenedlaethol a Chynllun Gofodol Cymru?

Ydy. O ystyried y Diweddariad i Gynllun Gofodol Cymru (2008) mae darpariaethau'r Cynllun yn cydnabod y rôl y mae Sir Gaerfyrddin yn ei chyflawni yn y 3 ardal ofodol yn y Sir. Mae'n ceisio adlewyrchu'i gynnwys gan gydnabod amrywiaeth y Sir a'i phwysigrwydd strategol yn y rhanbarth.

Wrth osod sail ar gyfer yr hierarchaeth aneddiadau, mae'r Papur Pwnc Rôl a Swyddogaeth yn adlewyrchu cynnwys (a statws) aneddiadau'r Sir yng nghyd-destun Cynllun Gofodol Cymru wedi'i ddiweddarau. Fodd bynnag, cydnabyddir y bydd y Fframwaith Datblygu Cenedlaethol (FfDC) yn disodli Cynllun Gofodol Cymru ar ôl iddo gael ei fabwysiadu.

A yw'r Cynllun yn gyffredinol yn cydymffurfio â'r FfDC sydd i ddod?

Cyhoeddwyd Drafft Ymgynghori'r FfDC ar 7 Awst 2019 ar gyfer ymgynghoriad ffurfiol. Fe'i cyhoeddwyd ar adeg pan oedd y CDLI Adneuo wedi'i baratoi i raddau helaeth ac, o ganlyniad, ni fu'n bosibl rhoi ystyriaeth lawn i'r FfDC yn y Cynllun Adneuo. Fodd bynnag mae'r Cyngor wedi ceisio cyfeirio at ei gynnwys ac mae wedi ystyried ei gynnwys wrth iddo a'r CDLI Diwygiedig symud tuag at gael eu mabwysiadu, a bydd yn parhau i wneud hynny.

A yw'r Cynllun yn gyffredinol yn cydymffurfio â'r Cynllun Datblygu Strategol perthnasol (ar ôl iddo gael ei fabwysiadu)?

Nid oes Cynllun Datblygu Strategol ar hyn o bryd yn rhanbarth de-orllewin Cymru.

A yw'n ystyried Nodau Llesiant?

Ydy. Mae'r CDLI Adneuo'n rhoi ystyriaeth lawn i ddarpariaethau Deddf Llesiant Cenedlaethau'r Dyfodol 2015 ac i'r nodau llesiant. Cafodd y gwaith o hyrwyddo a chydabod llesiant ei ymgorffori'n gynnar yn y trafodaethau a gafwyd ynghylch paratoi'r Cynllun ag ystod o randdeiliaid. Mae'r Cynllun Adneuo, drwy nodi materion (fel y'u hategwyd yn y Papur Pwnc Materion, Gweledigaeth ac Amcanion Strategol – wedi'i ddiweddarau ym mis Rhagfyr 2019) yn eu cysylltu â'r nodau llesiant cenedlaethol gan eu grwpio o dan bob pennawd.

Mae thema llesiant a darpariaethau Deddf Llesiant Cenedlaethau'r Dyfodol 2015 wedi'u hadlewyrchu yn y defnydd o'r nodau llesiant lleol wrth fframio'r amcanion strategol a'r polisiau strategol. Yn hyn o beth, mae Atodiad 6 o'r Cynllun Adneuo yn ceisio asesu pob polisi o ran pa mor gydnaws ydynt â'r Nodau Llesiant Lleol gyda chysylltiadau â'r Amcan Strategol priodol sydd yn ei dro yn cysylltu'n uniongyrchol â'r materion a nodwyd.

Mae'r Adroddiadau Monitro Blynnyddol o ran y CDLI mabwysiedig presennol yn cynnal dadansoddiad priodoldeb o'r Amcanion/Nodau Llesiant.² Er ei fod yn cynrychioli adolygiad cychwynnol ar lefel uchel, mae hyn yn ffurfio sylfaen dystiolaeth ddefnyddiol fel rhan o'r broses o adolygu'r CDLI.

A yw'n ystyried Cynllun Morol Cenedlaethol Cymru?

Ydy. Cyhoeddwyd *Cynllun Morol Cenedlaethol Cymru* cyntaf gan Lywodraeth Cymru ar 12 Tachwedd 2019. Dylid nodi mai'r dyddiad cyhoeddi oedd un diwrnod cyn i'r CDLI Adneuo gael ei ystyried gan y Cyngor Sir ac felly ni chafwyd cyfle i adlewyrchu ar ei gynnwys yn y Cynllun Adneuo neu roi gwybod amdano i'r Cyngor.

Fel rhan o Ddeddf y Môr a Mynediad i'r Arfordir, mae'n rhaid i Lywodraeth Cymru lunio Cynllun Morol.

- rhanbarth y glannau (hyd at 12 milltir môr o'r tir)
- y rhanbarth morol (12 i 200 o filltiroedd môr)

Mae Cynllun Morol Cenedlaethol Cymru'n cynnwys cynlluniau a pholisïau a fydd yn cyflawni'r canlynol:

- cefnogi ein gweledigaeth ar gyfer moroedd glân, iach, diogel ac amrywiol;
- arwain datblygiad cynaliadwy yn y dyfodol;
- cefnogi twf gofod morol ac adnoddau naturiol ('twf glas')

Wrth iddo ddatblygu, bydd y CDLI Diwygiedig yn rhoi ystyriaeth briodol i gynnwys Cynllun Morol Cenedlaethol Cymru. Fodd bynnag, mae Polisi Strategol SP15 (wrth gydnabod yr heriau sylfaenol y mae newid yn yr hinsawdd yn eu peri) yn ategu'r Cynllun Morol ynghylch materion gan gynnwys perygl llifogydd, ac mae SP13 ac SP11 yn ymateb i faterion megis hyblygrwydd a seilwaith gwyrdd a chysylltedd.

A yw'n ystyried y Datganiad Ardal perthnasol?

Yn y cyd-destun a bennir gan Ddeddf yr Amgylchedd, mae CNC wrthi'n paratoi Datganiad Ardal De-orllewin Cymru.

Bydd y datganiad ardal yn nodi'r canlynol:

- yr adnoddau naturiol ym mhob ardal a'r buddion y maent yn eu rhoi;
- y cyfleoedd a'r heriau allweddol ar lefel leol;
- sylfaen dystiolaeth gyffredin gyda gwybodaeth, data a thystiolaeth.

Bydd Datganiadau Ardal yn cynyddu dealltwriaeth o'r ystyriaethau ynghylch yr adnoddau naturiol yn yr ardal, y pwysau sydd arnynt a'r buddion y maent yn eu darparu. Byddant yn rhoi gwybodaeth sy'n angenrheidiol i reoli adnoddau naturiol yn well.

²Adroddiad Monitro Blynnyddol 2018 – 2019 (<https://www.carmarthenshire.gov.wales/media/1216076/annual-monitoring-report-2017-2018-web-003.pdf>)

Mae'r Cynllun wedi'i baratoi yn sgil ymgynghoriad â CNC a byddai hyn wedi rhoi cyfle i CNC nodi unrhyw anghydfodau gyda'r Datganiadau Ardal sydd i ddod.

A yw'n gyson â chynlluniau, strategaethau a rhaglenni cyfleustod rhanbarthol?

Ydy. Paratowyd y CDLI Adneuo yng nghyd-destun y cynlluniau, y strategaethau a'r rhaglenni cyfleustod rhanbarthol perthnasol.

Mae'r Cynllun, ei ddogfen ategol, ei bapurau pwnc a'i dystiolaeth, yn nodi sut y mae wedi'i baratoi yng ngoleuni cynlluniau rhanbarthol, strategaethau ac unrhyw rhaglenni buddsoddi. Mae gwaith wedi'i wneud i ymgysylltu ag ystod o ddarparwyr seilwaith a chyfleustodau - Dŵr Cymru yn benodol.

Cyfeirir yn benodol at bwysigrwydd Bargaen Ddinesig Bae Abertawe mewn perthynas â'r rhanbarth. Gwneir cyfeiriad at bolisi strategol SP5 sy'n nodi'r ddau brif brosiect yn yr ardal fel safleoedd strategol. Ceir hefyd cyfeiriad uniongyrchol ato yn y Weledigaeth a'r Amcanion Strategol.

A yw'n cyd-fynd â chynlluniau awdurdodau cyfagos?

Ydy. Mae'r gwaith o baratoi'r CDLI Adneuo'n adlewyrchu'r cyswllt agos â'r holl awdurdodau cyfagos (yn ogystal â sefydliadau hanfodol eraill) yn unigol ac ar sail pwnc, ond hefyd drwy fframweithiau rhanbarthol. Dyma'r awdurdodau cyfagos sy'n cymryd rhan:

- Awdurdod Parc Cenedlaethol Bannau Brycheiniog;
- Cyngor Sir Ceredigion;
- Dinas a Sir Abertawe;
- Cyngor Castell-nedd Port Talbot;
- Cyngor Sir Penfro;
- Awdurdod Parc Cenedlaethol Arfordir Penfro; a
- Chyngor Sir Powys.

Fel rhan o gydnabyddiaeth y Cyngor o werth gweithio gydag awdurdodau cyfagos, ac mewn ymateb i bwyslais Ysgrifennydd y Cabinet ar gydweithio, rydym yn gweithio ar nifer o brosiectau tystiolaethol. Mae'r rhain yn cynnwys Asesiad Strategol o Ganlyniadau Llifogydd gyda Chyngor Sir Penfro, Asesiad o'r Farchnad Tai Ranbarthol, Astudiaeth Cyflogaeth Ranbarthol a Model Hyfywedd Tai Ranbarthol. Bydd natur y cydweithio rhwng awdurdodau a rhannu dulliau (gan gynnwys meysydd polisi thematig tebyg) yn cael ei datblygu wrth i'r broses o baratoi'r Cynllun barhau.

O ran materion ynghylch mwynau a gwastraff, mae Sir Gaerfyrddin yn gweithredu nifer o gytundebau lefel gwasanaeth ag awdurdodau ar draws y rhanbarth a'r tu hwnt. Mae hefyd yn gyfrifol am gydlynw a chynnal yr Adroddiad Cynlluniau Monitro Gwastraff Ranbarthol ar gyfer de-orllewin Cymru ar ran Llywodraeth Cymru.

Mae Atodiad 2 o'r CDLI Adneuo'n nodi'r sefyllfa ranbarthol a'i chydwedoldeb â chynlluniau awdurdodau cyfagos.

A yw'n ystyried y Cynllun Llesiant neu'r Cynllun Rheoli Parciau Cenedlaethol?

Cynhyrchodd Sir Gaerfyrddin ddogfen integredig yn 2011 ar ffurf y Strategaeth Gymunedol Integredig ar gyfer Sir Gaerfyrddin 2011-16. Er mwyn cydnabod Deddf Llesiant Cenedlaethau'r Dyfodol 2015, dechreuodd y Bwrdd Gwasanaethau Cyhoeddus (BGC) weithio ar y Cynllun Llesiant a gymeradwywyd yn 2018. Yn ogystal, mae gan y Cyngor amcanion llesiant sydd wedi'u cynnwys yn ei strategaeth gorfforaethol.

Mae'r Cynllun yn adeiladu ar ymrwymadau'r Cyngor a'r BGC mewn perthynas â llesiant fel y'u nodir yn y strategaeth gorfforaethol a'r Cynllun Llesiant.

Prawf 2: A yw'r cynllun yn briodol? (h.y. a yw'r cynllun yn briodol ar gyfer yr ardal yng ngoleuni'r dystiolaeth?)

Ydy. Mae'r gwaith o lunio'r Cynllun yn seiliedig ar dystiolaeth a'r broses o nodi Materion, Gweledigaeth, Amcanion Strategol a Pholisïau Strategol sy'n benodol yn lleol.

Y pwyslais oedd ar gynnal cyfres o drafodaethau ynghylch y math o Sir ydyw Sir Gaerfyrddin ar hyn o bryd, a'r math o Sir y mae rhanddeiliaid am iddi fod. Y sail ar gyfer cynnal y trafodaethau hyn oedd y ffaith bod proses "Y Sir Gâr a Gareu" eisoes wedi'i chynnal fel rhan o'r gwaith o baratoi Cynllun Llesiant y BGC.

Mae'r Cynllun Llesiant, yr Amcanion Llesiant a'r Strategaethau Corfforaethol Lleol wedi darparu sail ar gyfer Cynllun sy'n benodol i Sir Gaerfyrddin nad yw'n gyffredinol. Mae datblygu ymwybyddiaeth ofodol yn hanfodol, yn enwedig o ran cydnabod y cyferbyniad gwledig/trefol yn y Sir. Nod y Weledigaeth yw pennu'r cyd-destun ar gyfer dull "Un Sir Gâr" ac mae'n chwarae rôl uno yn hyn o beth.

Un darn allweddol o dystiolaeth i gysylltu'r materion, y weledigaeth a'r amcanion â'r twf a'r strategaeth ofodol yw'r papur pwnc rôl a swyddogaeth. Mae hyn yn darparu cyswllt hanfodol rhwng y darnau hyn o waith drwy ddarparu cyd-destun gofodol ac felly mae'n dangos dull sy'n unigryw yn lleol.

Dylid cyfeirio ymhellach at y sylfaen dystiolaeth gan gynnwys y papur Rôl a Swyddogaeth a'r amcanestyniadau o ran y boblogaeth a'r aelwydydd.

A yw'n benodol i'r ardal leol?

Ydy. Mae'r Cynllun hwn wedi'i lunio yn sgil ymgysylltu'n effeithiol ac adeiladu consensws. Ers dechrau'r adolygiad ym mis Ionawr 2018, dyma'r hyn sydd wedi'i gynnal:

- 2 gyfarfod Fforwm Rhanddeiliad Allweddol y CDLI;
- Gweithdy/seminar y CDLI ar gyfer Cynghorau Tref a Chymuned;
- 3 chyfarfod y Fforwm Datblygwyr;
- Nifer o gyfarfodydd a chyflwyniadau gyda grwpiau gwleidyddol.

Cynhaliwyd ymgynghoriad ar-lein i gefnogi a llywio'r broses o nodi materion, gweledigaeth ac amcanion y Cynllun, ac mae ymgynghoriad wedi'i gynnal ynghylch yr Arfarniad Cynaliadwyedd.

O ran yr Aelodau Etholedig, mae'r Strategaeth hon wedi'i ffurfio gan gyfranogiad trawsbleidiol. Mae Panel Ymgynghorol y CDLI wedi cynnal naw cyfarfod ers Tachwedd 2017. Mae'r Panel yn cynnwys Aelodau Etholedig a'i brif ddiben yw cymryd perchenogaeth wleidyddol ar y CDLI Diwygiedig.

Mae'r materion wedi dod o ffynonellau tryloyw. Dylid nodi eu bod yn cael eu grwpio o dan y nodau llesiant cenedlaethol er mwyn sicrhau eu bod yn cael eu fframio yng nghyd-destun Deddf Llesiant Cenedlaethau'r Dyfodol (Cymru) 2015. Mae hyn yn caniatáu i'r gwerthfawrogiad o faterion cymdeithasol, economaidd ac amgylcheddol gael ei ymgorffori yn y Cynllun ac i'r llesiant gael ei blethu yn y Cynllun o'r dechrau.

Mae papur pwnc Materion, Gweledigaeth ac Amcanion (wedi'i ddiweddarau ym mis Rhagfyr 2019) yn nodi lle mae'r problemau wedi dod i'r golwg. Mae ffynonellau nodedig yn cynnwys adolygiadau polisi, canlyniadau adroddiadau adolygu CDLI, canlyniadau gweithdai cynghorau tref a chymuned, canlyniadau fforymau rhanddeiliaid allweddol, ymgysylltu â chynghorwyr sir, adran "cipolwg" ar y cynllun llesiant, adroddiad cwmpasu drafft yr arfarniad cynaliadwyedd/asesiad amgylcheddol strategol ac ymgynghoriad cyhoeddus. Cyfeirir hefyd at y gyfres arall o dystiolaeth – yn arbennig y papur pwnc rôl a swyddogaeth.

A yw'n mynd i'r afael â'r materion allweddol?

Ydy. Mae'r amcanion strategol yn cysylltu â'r materion allweddol y bwriedir iddynt fynd i'r afael â hwy. Ategir hyn ymhellach gan broses adolygu dadansoddi CAMPUS.

Yn ogystal, ac fel y nodir uchod, y pwyslais oedd ar geisio llywio'r drafodaeth o amgylch y materion hynny sydd eisoes wedi codi drwy'r cynllun llesiant, gyda golwg ar geisio deall sut y maent yn berthnasol o ran defnydd tir ac a fyddai modd mynd i'r afael â hwy drwy'r system gynllunio.

Roedd y Materion, y Weledigaeth a'r Amcanion (mae'r fersiwn gyfredol (fersiwn 2) Rhagfyr 2019 ar gael fel rhan o'r sylfaen dystiolaeth) yn ceisio datblygu a llywio'r broses o ystyried materion allweddol gan adeiladu ar gynnwys y CDLI mabwysiedig presennol. Wrth wneud hynny, mae wedi adlewyrchu canlyniadau'r adroddiadau monitro blynyddol sy'n gysylltiedig â'r Cynllun mabwysiedig presennol yn ogystal â'r Adroddiad Adolygu ac adroddiad cwmpasu'r AC.

Cafodd y materion allweddol eu llywio hefyd drwy'r broses ymgynghori ac ymgysylltu a lywiodd y gwaith o baratoi'r Strategaeth Cyn-adneuo a Ffefrir -yn enwedig y Fforwm Rhanddeiliaid Allweddol.

Mae'r Cynllun yn cynnwys diagram allweddol sy'n dangos y broses rhwng nodi'r materion hyd at y weledigaeth ac yna'r amcanion a'r polisiâu strategol a fydd yn mynd i'r afael â'r materion.

A yw'n cael ei gefnogi gan dystiolaeth gadarn, gymesur a chredadwy?

Ydy. Mae'r gwaith o baratoi'r cynllun wedi cynnwys datblygu sylfaen dystiolaeth gynhwysfawr. Mae hyn yn cynnwys ymchwilio a chasglu data yn ogystal â choladu astudiaethau sydd ar gael eisoes.

Lle bynnag y bo'n bosibl, mae'r Cyngor wedi ceisio trefnu i baratoi astudiaethau ar y cyd â'i gymdogion neu ar draws y rhanbarth. Mae gwaith o'r fath wedi cynnwys:
Yr Astudiaeth Economaidd Dwy Sir ar gyfer Sir Gaerfyrddin a Sir Benfro
Yr Asesiad o'r Farchnad Dai Leol (Wedi'i lunio ar draws y Rhanbarth)
Yr Asesiad Strategol o'r Perygl Llifogydd (Cam 1)
Y Model Hyfywedd Rhanbarthol

Ceir adran ar wefan y Cyngor sy'n nodi'r sylfaen dystiolaeth ac yn rhestru'r rheiny sydd ar gael. Yn ystod pob cam, bydd tystiolaeth fwy penodol yn cael ei llunio yn ôl yr angen er mwyn cefnogi'r gwaith o baratoi a gweithredu'r Cynllun.

Bydd y Cyngor yn parhau i weithio gydag awdurdodau cyfagos a'r rheiny ar draws y rhanbarth i sicrhau bod buddiannau a meysydd polisi cyffredin yn cael eu harchwilio ac fel rhan o ymrwymiad i gydweithio rhanbarthol.

A oes modd dangos y rhesymeg y tu ôl i bolisiâu'r cynllun?

Oes. Mae'r Cynllun yn cynnwys y broses o nodi materion, y Weledigaeth, yr amcanion strategol a'r strategaeth a ffefrir ac wedyn y polisiâu strategol. Mae'r polisiâu strategol hyn yn pennu'r cyd-destun ar gyfer y polisiâu manylach sy'n seiliedig ar faes a phwnc. Mae'r polisiâu strategol a manwl yn cael eu grwpio yn unol â themâu er mwyn sicrhau cysondeb ar draws y Cynllun.

Mae pob polisi strategol yn cyd-fynd â thestun ategol neu gyfiawnhad rhesymedig ac fe'i hategir gan yr asesiad polisi a nodir yn atodiadau'r CDLI Adneuo. Mae'r asesiad hwn yn cysylltu'r polisi'n benodol â'i amcan strategol perthnasol (sydd yn ei dro yn gallu cael ei gysylltu â'r mater(ion) perthnasol)). Ceir hefyd yn y polisi gyfeiriad at y nod llesiant lleol perthnasol, y dangosydd monitro ac agweddau ar Bolisi Cynllunio Cymru.

Mae pob un o'r polisiâu penodol yn cyd-fynd hefyd â thestun ategol neu gyfiawnhad rhesymedig. Lle bo'n berthnasol ac yn angenrheidiol, mae dolenni cyswllt i ddogfennau ategol, tystiolaeth a Chanllawiau Cynllunio Atodol wedi'u cynnwys er mwyn egluro ymhellach y dull polisi penodol a'r broses o'i weithredu.

A yw'n ceisio diwallu anghenion a asesir a chyfrannu at gyflawni datblygiad cynaliadwy?

Ydy. Mae'r Cynllun yn deillio o dystiolaeth (ac yn seiliedig arni) a fydd yn cael ei datblygu ymhellach a'i hychwanegu ato drwy ei broses baratoi.

Mae cyflawni datblygiad cynaliadwy yn rhan ganolog o'r Cynllun. Nodir bod proses yr Arfarniad Cynaliadwyedd /Asesiad Amgylcheddol Strategol (AC/AAS) wedi rhoi arweiniad amhrisiadwy ar gyfer paratoi'r Cynllun.

Mae gan yr AC/AAS rôl hanfodol ac chyson yn y gwaith o baratoi'r CDLI. Yn hyn o beth, mae ei ddefnydd ar gyfer profi neu fesur perfformiad y CDLI o'i ddechrau hyd at baratoi'r CDLI Adneuo yn adlewyrchu'r adborth cyson a geir rhwng yr AC a'r CDLI wrth i'r gwaith wneud cynnydd.

Nod y Cynllun yw cyflawni darpariaeth dystiolaethol ond uchelgeisiol ar gyfer twf economaidd. Mae hyn yn seiliedig ar y dystiolaeth berthnasol ac yn adlewyrchu uchelgeisiau cynlluniau a strategaethau'r Cyngor ond hefyd y rhai ar lefel ranbarthol.

Mae'r Cynllun yn croesawu twf, wedi'i osod yng nghyd-destun ehangach Bargaen Ddinesig Bae Abertawe. Mae darpariaeth tai, er ei bod yn uwch nag amcanestyniadau Llywodraeth Cymru, yn cael ei chefnogi gan dystiolaeth. Nod y Cynllun yw cynnig lefel twf gytbwys a chynaliadwy. Mae'r dull canolbwyntio ar dwf yn cyd-fynd â'r fersiwn ddrafft o'r Fframwaith Datblygu Cenedlaethol. Yn hyn o beth mae'n cydnabod rôl y canolfannau twf a phwysigrwydd cynnal cymunedau gwledig.

Mae hierarchaeth aneddiadau wedi'i datblygu gan ystyried pa mor gynaliadwy yw pob anheddiad sy'n diffinio aneddiadau a sut y gallant gyfrannu at eu cymunedau ehangach. Mae'r hierarchaeth hon yn cydnabod y gwasanaeth a'r cyfleusterau sydd ar gael yn ogystal â materion o ran mynediad ac ystyriaethau eraill. Dylid cyfeirio at y sylfaen dystiolaeth berthnasol.

A yw'r weledigaeth a'r strategaeth yn gadarnhaol ac yn ddigon uchelgeisiol?

Ydynt. Nod y weledigaeth yw adlewyrchu'r strategaeth gorfforaethol sy'n seiliedig ar y cynllun llesiant yn ogystal â'r blaenoriaethau adfywio allweddol hynny yn y Sir - yn benodol y Strategaeth Drawsnewid.

Mae'r weledigaeth hefyd yn pennu'r fframwaith ar gyfer cydnabod y Fargen Ddinesig a'r cyfleoedd posibl y mae hon yn eu rhoi i Sir Gaerfyrddin fel Sir uchelgeisiol â chysylltiadau da. Dylid nodi bod y Weledigaeth wedi'i diweddaru o'r hyn a gynhwyswyd yn y Strategaeth Cyn-adneuo a Ffebrir o ganlyniad i sylwadau ynghylch y Strategaeth ac argymhellion yr Arfarniad Cynaliadwyedd.

Wrth adeiladu ar y weledigaeth, mae'r amcanion strategol yn cynnwys adran sylwadau sy'n adolygu i ba raddau y maent yn ddigon uchelgeisiol.

Cyfeirir at y Papur Pwnc Materion, Gweledigaeth ac Amcanion (wedi'i ddiweddaru ym mis Rhagfyr 2019).

A yw'r opsiynau eraill 'go iawn' wedi'u hystyried yn briodol?

Ydynt. Ystyrir bod y Cynllun yn realistig ac yn briodol gan ei fod wedi'i ddatblygu drwy nifer o opsiynau eraill 'go iawn'.

Mae nifer o wahanol opsiynau twf ac opsiynau gofodol eraill wedi'u hystyried a manylir ymhellach ar y rhain yn y papurau pwnc ynghylch Opsiynau Twf Strategol ac Opsiynau Gofodol.

Nodwyd opsiwn hybrid gan yr asesiad o'r opsiynau gofodol gan gynnwys agweddau gan eraill a gyflwynir i'w hystyried. Daeth yr opsiwn hybrid hwn i'r amlwg fel rhan o broses ymgysylltu, yn benodol drwy'r Fforwm Rhanddeiliaid Allweddol. Yn ogystal, cafodd yr Opsiynau Twf eu hystyried yn yr un modd ac maent yn seiliedig ar dystiolaeth arbenigol. Mae'r rhesymau y tu ôl i'r opsiwn twf a'r opsiwn gofodol wedi'u nodi yn natganiad ysgrifenedig y Cynllun Adneuo. Caiff ei esbonio'n llawnach yn y Strategaeth a Ffeirir ac mewn papur pwnc.

Cafodd yr Opsiynau Strategol eu hystyried hefyd drwy'r broses AC/AAS.

Mae'r broses o ystyried safleoedd wedi'i llywio gan y broses safleoedd ymgeiswyr a'r ymatebion a gafwyd gan y ddau gynigydd a'r rheiny a wnaed sylw ynghylch y safle arfaethedig. Mae'r wybodaeth hon, ynghyd â'r Fethodoleg ar gyfer Asesu Safleoedd a'r adborth gan ymgynghoreion technegol a'r sylfaen dystiolaeth, wedi llywio'r broses o ddewis safleoedd i'w cynnwys yn y CDLI Adneuo Diwygiedig.

A yw'n rhesymegol, yn rhesymol ac yn gytbwys?

Ydy. Mae'r Cynllun wedi deillio o ddealltwriaeth glir o'r materion yn genedlaethol, ac yn hanfodol, y rheiny sy'n effeithio ar Sir Gaerfyrddin. Mae'n llifo ac yn cael ei gyflwyno mewn modd rhesymegol o'r sylfaen dystiolaeth i'r materion, yr amcanion a'r polisiâu, wedi'i ategu lle bo'n angenrheidiol ac yn berthnasol gan dystiolaeth a dogfennau atodol.

Mae'n dangos golwg gytbwys o'r Sir o ran cynllunio defnydd tir. Lle bo'n briodol, mae'n integreiddio â chynlluniau a strategaethau eraill gan sicrhau ei fod yn adlewyrchu polisi cenedlaethol a'r angen am Gynllun cynaliadwy y gellir ei gyflawni.

Mae'r Cynllun wedi deillio o broses ymgysylltu a thystiolaeth ac felly mae'n rhesymegol ac yn rhesymol ac yn seiliedig ar safbwynt cytbwys.

A yw'n gydgysylltiedig ac yn gyson?

Ydy. Mae'r Cynllun yn bodloni'r gofynion mewn perthynas â bod yn gydgysylltiedig ac yn gyson fel y dangosir gan lif resymegol o'r materion i'r polisiâu strategol.

Mae'r gwaith o baratoi'r Cynllun wedi rhoi cyfle i werthuso nifer o opsiynau strategol eraill. Mae pob opsiwn wedi'i ystyried yn llawn - gan gynnwys drwy'r Fforwm Rhanddeiliaid Allweddol.

Llywiodd y Papur Pwnc Materion, Gweledigaeth ac Amcanion y gwaith o baratoi'r Strategaeth Cyn-adneuo a Ffeirir. O ganlyniad mae'r Cynllun yn croesgyfeirio mewn ffordd eglur a thryloyw rhwng y materion, yr amcanion strategol a'r 18 o bolisiau strategol.

Cafwyd cysylltiadau amlwg â'r Cynllun Llesiant a nodau llesiant y Cyngor, ac mae'r CDLI yn cyd-fynd yn agos â blaenoriaethau corfforaethol o'r fath. Mae'r Cynllun wedi datblygu drwy waith ymgysylltu helaeth, gan gynnwys â'r Fforwm Rhanddeiliaid Allweddol.

Mae'r Cynllun wedi'i strwythuro a'i gyflwyno'n glir ac ystyrir ei fod yn cyd-fynd â phapurau cefndir a chanllawiau cynllunio atodol mewn modd cydlynol.

A yw'n glir ac a oes ffocws iddo?

Ydy. Mae'r Cynllun wedi'i osod ar ffurf eglur a rhesymegol sy'n rhoi dealltwriaeth glir o'i gynnwys, ond hefyd, yn hanfodol, ei ddibenion craidd a'i amcanion. Mae'n rhoi ffocws clir ar ei ddiben, gyda naratif rhesymegol sy'n ategu ei gydrannau o nodi materion, i sut yr eir i'r afael â'r rhain fel rhan o'i ddull strategol, yn ogystal â'i bolisiau a'i gynigion.

Prawf 3: A fydd y cynllun yn gweithio (h.y. a yw'n debygol o fod yn effeithiol?)

Bydd, gweler yr atebion isod.

A fydd yn effeithiol?

Bydd. Mae amcanion y Cynllun wedi deillio o ddealltwriaeth o faterion ac anghenion Sir Gaerfyrddin yn ogystal â sylfaen dystiolaeth gadarn a rhesymegol. Nod y strategaeth yw integreiddio ac adlewyrchu cynlluniau a strategaethau eraill fel rhan o ddull integredig o gyflawni, gan fanteisio ar y cyfle i gael ei weithredu'n effeithiol.

Bydd y Cynllun yn cyflawni ei weledigaeth a'i amcanion o ran mynd i'r afael â materion allweddol drwy gyfres o bolisiau strategol a manwl yn ogystal â dyrannu defnydd tir. Mae'r Cynllun wedi pennu strategaeth a arweinir gan dwf sy'n adlewyrchu'r cyfraddau cyflawni presennol ac uchelgeisiau strategol y Cyngor a'r Dinas-ranbarth.

A oes modd ei weithredu?

Oes. Mae'r gwaith o baratoi'r Cynllun yn cael ei wneud gyda'r bwriad clir y bydd modd ei weithredu ac y bydd ei bolisiau a'i gynigion yn cael eu cyflawni o fewn cyfnod y Cynllun.

Mae'n pennu fframwaith gofodol a thwf strategol y gellir eu cyflawni sy'n seiliedig ar egwyddorion cynaliadwyedd ac sy'n ymateb i anghenion cymunedau Sir

Gaerfyrddin. Mae'r polisïau a'r cynigion yn darparu'r fframwaith ar gyfer gweithredu amcanion y Cynllun a'r broses o wneud penderfyniadau.

Fel rhan o'r CDLI Adneuo, mae fframwaith monitro effeithiol a phriodol wedi'i ddatblygu a'i gynnwys yn y Cynllun. Bydd hyn yn ffurfio'r sail ar gyfer cynnal yr Adroddiad Monitro Blynnyddol.

Yr Adroddiad Monitro Blynnyddol fydd y prif ddull o fonitro ac asesu'r cynnydd o ran gweithredu polisïau a chynigion y CDLI Diwygiedig a fabwysiedir.

A oes cefnogaeth gan y darparwyr seilwaith perthnasol o ran arian ac o ran cadw at yr amserlenni perthnasol?

Oes. Mae'r Cynllun yn cynnwys rhestr o safleoedd defnydd cymysg, tai a chyflogaeth. Mae hefyd yn cynnwys dau safle strategol sy'n adlewyrchu'r uchelgeisiau a nodir drwy Fargen Ddinesig Bae Abertawe.

Mae darparwyr seilwaith yn elfen bwysig o ddatblygu'r CDLI ac yn ymgynghorai allweddol. Yn hyn o beth ymgysylltwyd â hwy drwy gydol y broses o lunio'r Cynllun a bydd hyn yn parhau i gael ei wneud. Ategir y Cynllun gan Gynllun Seilwaith a fydd yn cael ei ddatblygu'n barhaus drwy'r broses o lunio'r Cynllun.

Dylid nodi bod cynrychiolwyr cyrff seilwaith megis Dŵr Cymru yn aelodau'r Fforwm Rhanddeiliaid Allweddol.

A fydd datblygiad yn hyfyw?

Bydd. Mae'r angen i waith datblygu fod yn hyfyw yn elfen bwysig o baratoi'r Cynllun, o ddatblygu tystiolaeth yn y dyfodol, i nodi safleoedd neu ddatblygu polisïau penodol.

Gwneir gwaith ar hyn o bryd ar lefel ranbarthol i sefydlu methodoleg gadarn a chyson ar gyfer asesu hyfywedd ledled awdurdodau yn y rhanbarth. Bydd datblygiad y model hwn yn ffynhonnell ac yn offeryn pwysig ar gyfer asesu hyfywedd mewn ffordd gyson a hygyrch. Ategir y gwaith hwn fel y bo'n briodol er mwyn sicrhau bod unrhyw hyfywedd yn cael ei bennu ar sail amodau lleol, a bod unrhyw oblygiadau hyfywedd ar bosibilrwydd datblygiadau i wneud cynnydd yn seiliedig ar wybodaeth lawn a thystiolaeth gadarn.

Wrth i'r Cynllun symud ymlaen tuag at gael ei gyflwyno i ddatblygwyr, tirfeddianwyr neu gynigwyr safleoedd, bydd angen darparu gwybodaeth ychwanegol fel y bo'n briodol am unrhyw fylchau tystiolaethol o ran hyfywedd.

Mae Astudiaeth o Hyfywedd Tai Fforddiadwy benodol i Sir Gaerfyrddin wedi'i chomisiynu a chyflwynwyd ei chanfyddiadau cychwynnol fel tystiolaeth er mwyn ategu'r CDLI Adneuo.

A oes modd cyflawni'r safleoedd a ddyrannir?

Oes. Ategir dyraniad safleoedd gan bapur pwnc tai ac mae pob safle hefyd yn cyd-fynd â phrofforma yn unol â'r Fethodoleg Asesu Safleoedd. Mae hyn yn nodi materion cyflawni ac yn cefnogi cynnwys y safle. Yn hyn o beth mae'r broses o ddyrannu safleoedd wedi'u llywio gan gyfranogiad partneriaid technegol a seilwaith. Mae'r Cynllun yn cyd-fynd â dosbarthiad tai sy'n dangos cyflawniad safleoedd ar draws cyfnod y Cynllun. Mae hyn yn dangos bod nifer o safleoedd ar gael i'w cyflawni'n gynnar. Bydd y dosbarthiad yn ffurfio dogfen gyson sy'n datblygu hyd at fabwysiadu'r CDLI ac ar ôl hynny.

A yw'r cynllun yn ddigon hyblyg? A oes darpariaethau wrth gefn priodol?

Ydy/Oes. Mae'r gwaith o baratoi'r Cynllun wedi ceisio adlewyrchu'r angen am hyblygrwydd. Roedd y broses o nodi'r gofyniad am aelwydydd yn cynnwys nifer o ragdybiaethau gan gydnabod agweddau penodol ar Sir Gaerfyrddin - gan gynnwys ei chyfraddau tai gwag. Mae'r Cynllun, wrth ystyried y gofyniad hwn, wedi cynnwys lefel briodol o hyblygrwydd ar gyfer 15% neu 1,325 o dai.

Yn yr un modd, mae lefel y cynnydd mewn cyflogaeth, er ei fod yn gyson â chynlluniau a strategaethau eraill, yn nodi tua 78ha o dir cyflogaeth. Mae'r targed hwn yn uwch na'r disgwyl, ond mae'n adlewyrchu'r galw am dystiolaeth a galw cudd.

A yw'n cael ei fonitro'n effeithiol?'

Mae'r Cynllun wedi cynnwys Fframwaith Monitro a Gweithredu sy'n nodi'r trefniadau ar gyfer monitro perfformiad y Cynllun.